

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-26771/23
Sarajevo, 27.12.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine. a na preporuku Komisije za javnu nabavku radova, Općinski načelnik donosi

ODLUKU

Rekonstrukcija i investiciono održavanje poslovnih prostora i hitne intervencije – Sanacija kanalizacionih instalacija u poslovnom prostoru u ulici Esada Pašalića br.8

I

Prihvata se preporuka Komisije za javnu nabavku radova i ugovor u postupku javne nabavke - Rekonstrukcija i investiciono održavanje poslovnih prostora i hitne intervencije - Sanacija kanalizacionih instalacija u poslovnom prostoru u ulici Esada Pašalića br.8, broj obavještenja 422-7-3-266-3-318/23, objavljeno na Portalu javnih nabavki dana 27.11.2023. godine i “Službenom glasniku BiH- Oglasnik javne nabavke”, br.84/23 dodjeljuje se ponuđaču „DINALSA” d.o.o. Sarajevo sa ponudom u iznosu od 15.330,00 bez PDV-a, odnosno 17.936,10 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda. Obavezuje se ponuđač da prije zaključenja okvirnog sporazuma dostavi Licencu/ovlaštenje za obavljanje djelatnosti građenja/izvođenja radova iz područja hidrotehnike i niskogradnje izdatu od Federalnog ministarstva prostornog uređenja.

Obrazloženje

Odlukom broj Odlukom broj 02/12-19-26771/23 od 23.11.2023.godine Općina Novi Grad Sarajevo pokrenula je konkurentski postupak javne nabavke - Rekonstrukcija i investiciono održavanje poslovnih prostora i hitne intervencije - Sanacija kanalizacionih instalacija u poslovnom prostoru u ulici Esada Pašalića br.8, broj obavještenja 422-7-3-266-3-318/23, objavljeno na Portalu javnih nabavki dana 27.11.2023. godine i “Službenom glasniku BiH- Oglasnik javne nabavke”, br.84/23.

Zapisnikom o otvaranju ponuda od 08.12.2023. godine Komisija je konstatovala su u predviđenom roku, u propisno upakovanim kovertama, pristigle dvije (2) ponude ponuđača:

1. „OKI UPRAVITELJ“ d.o.o. Sarajevo
2. “DINALSA” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuda ponuđača „OKI UPRAVITELJ“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4. cijena ponude – 3.4.1. *Ponuđač treba popuniti obrazac za ponudu i obrazac za cijenu ponude koji se nalaze u prilogu tenderske dokumentacije u skladu sa svim podacima koji su definisani u Aneksima 2. i 3.* Tačkom 3.4.2. propisano je da *ukoliko ponuđač propusti popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene i ukoliko bude mijenjao stavke u navedenom obrascu, ponuda ponuđača će biti odbačena.* Uvidom u dostavljenu ponudu ustanovljeno je da ponuđač nije popunio Aneks 3 - obrazac za cijenu ponude u skladu sa svim podacima koji su definisani u istom, odnosno na nije upisao iznos PDV-a što je bio obavezan učiniti u skladu sa zahtjevima iz tenderske dokumentacije. Takođe Komisija je utvrdila da ponuda ponuđača nije uvezana te je konstatovano da ponuđač nije ispunio zahtjev iz tačke 3.1.4. - Priprema ponuda, gdje je navedeno da svi listovi ponude moraju biti čvrsto uvezani na način da se onemogućiti naknadno vađenje ili umetanje listova, osim garantnih dokumenata, te da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68.Zakona i tačkom 3.1.1. tenderske dokumentacije.

Nadalje, Komisija je utvrdila da ponuda ponuđača „OKI UPRAVITELJ“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 2.3. a) da svi računi ponuđača nisu blokirani u protekla tri mjeseca, tj. Dostavlja se Potvrda od Centralne banke BiH o stanju računa ponuđača, ne starija od 90 dana (računajući od dana utvrđenog kao krajnjeg roka za predaju ponuda). Komisija je konstatovala da ponuđač nije dostavio traženu potvrdu što je bio obavezan u skladu sa navedenom tačkom tenderske dokumentacije.

Dalje, konstatovano je da ponuđač ne ispunjava uslov iz tenderske dokumentacije iz tačke 2.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio više ugovora koji za predmet ugovora ima poslove sanacije, rekonstrukcije ili izgradnje hidroyinstalacija zbirne vrijednosti najmanje 18.000 KM sa PDV-om, a tačkom 2.4.2. (a) propisano je da se navedeno dokazuje listom izvršenih ugovora ponuđača koji su u vezi sa predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio više ugovora koji za predmet ugovora ima poslove sanacije, rekonstrukcije ili izgradnje hidroyinstalacija zbirne vrijednosti najmanje 18.000,00 KM sa PDV-om. Uz spisak izvršenih ugovora ponuđač je dužan dostaviti potvrde za ugovore koji za predmet ugovora ima poslove sanacije, rekonstrukcije ili izgradnje hidroyinstalacija zbirne vrijednosti najmanje 18.000,00 sa PDV-om. Ponuđač je kao dokaz tehničke i profesionalne sposobnosti priložio potvrde o uspješno realizovanim ugovorima (obične kopije) koje nisu ovjerene od strane nadležnog organa.

Iz naprijed navedenih razloga utvrđeno je da je ponuda ponuđača „OKI UPRAVITELJ“ d.o.o. Sarajevo ne ispunjava uslove tražene u tenderskoj dokumentaciji iz tačke 2.3. a) - ekonomska i finansijska sposobnost, tačke 2.4.1. (a) - tehnička i profesionalna sposobnost i tačke 3.4.- cijena ponude, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni dokumentacije preostale dostavljene ponude, te konstatovala da ponuda ponuđača „Dinalsa“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da je ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 64. Zakona o javnim nabavkama BiH.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Dinalsa“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik

mr. Semir Efendić